

CONJUGASON : **Lo futur de l'indicatiu**

Lo futur a chic o mic la medissa valor qu'en francés mes es mens emplegat dens las subordonadas. Totun, lo podem trobar après **quan** per exprimir una concession sus un eveniment reau. A còps, en principau, pòt exprimir l'ipotèsi, lo dobte.

Vèrbes en -ar , estar, anar e har

CANTAR	ESTAR	HAR /HÈ(SE)R	ANAR			
cantarèi*	serèi*	harèi*	anarèi*	anirèi	anguerèi	angrèi
cantaràs	seràs	haràs	anaràs	aniràs	angueràs	angràs
cantarà	serà	harà	anarà	anirà	anguerà	angrà
cantaram	seram	haram	anaram	aniram	angueram	angram
cantaratz	seratz	haratz	anaratz	aniratz	angueratz	angratz
cantaràn	seràn	haràn	anaràn	aniràn	angueràn	angrà

Dens la partida "plana" dau Sud e de l'Èst de la Gasconha, lo **a** de "-ar-" se dirà "é". Ex. : **canterèi**. De la Gasconha maritima dinc au centre de las Lanas e una part de l'Òlt e Garona, se dirà com lo "e" negue, o vindrà un còp de glòta o lavetz desparesherà. Ex. : **cant'rèi**.

Vèrbes en -ir non-incoatiu (dromir) e -ir incoatiu (bastir)

DROMIR	BASTIR
dromirèi*	bastirèi*
dromiràs	bastiràs
dromirà	bastirà
dromiram	bastiram
dromiratz	bastiratz
dromiràn	bastiràn

Vèrbes damb -er accentuat (poder), damb -er non accentuat (bàter) e aver

BÀTER	PODER	AVER / AUGER
baterèi*	poderèi*	averèi*
bateràs	poderàs	averàs
baterà	poderà	averà
bateram	poderam	averam
bateratz	poderatz	averatz
bateràn	poderàn	averàn
	poirèi*	aurèi*
	poiràs	auràs
	poirà	aurà
	poiram	auram
	poiratz	auratz
	poiràn	auràn

Mantun vèrbe en **-er** pòden cambiar la fin de lur radicaü :

Damb un vèrbe en ...	la fin pòt venir :	Damb un vèrbe en ...	la fin pòt venir :
-àser	-air-	-íser e -íder	-ir-
-àver e saber	-aur- e -aur-/-abr-	-íver	-iur-
-éser e -éder	-eir-	-oder, -óder, -òder, -oser, -óser, -òser	-oir-
-éner e -énder	-endr-	-oler e -aler	-odr-/-orr- e -adr-/-arr-
-iéner /-enir	-engr- o -endr-/-indr-	-usir, -úser	-uir-
-éver / -úver	-eur- / -uur-	-úger, -ugir (/ -éger)	-uir-

*En Coserans, la permèira persona se harà en **-è** e non pas en **-èi**